

中国边疆研究资料文库·边疆史地文献初编

西南邊疆

第三輯

中国边疆研究资料文库·边疆史地文献初编

西南邊疆

第三輯

桂林風土記

莫休符撰



桂林風土記序

前賢撰述。有事必書。故有三國志、荆楚歲時記、湘中記、奉天記。惟桂林事迹。闕然無聞。休符因退居。相餘見聞。曰桂林風土記。聊以爲敘。時唐光化二年九月二十三日。莫休符序。

899
昭宗

桂林風土記序

桂林風土記



桂林風土記目錄

桂林

雙女冢

東觀

巖光寺

漓山

東山亭

拜表亭

獨秀峰

海陽山

隱仙亭

甘巖

群阿水

仙人山

桂林風土記

目錄

舜祠

伏波廟

越亭

營家洲

堯山廟

碧潯亭

夾城

歐陽都護冢

會仙里

靈渠

張天師道陵宅

如錦潭

遷羅坊府郭

桂林風土記 目錄

菩提寺道林和尚

開元寺霞井

延齡寺聖像

宜州龍開江亭

徐氏還魂

石氏燈檠崇

米蘭美續

李給事長歌

宋顏延之

李襲志

衡國公李靖

中書令褚遂良

中書令張九齡

桂州陳都督

袁恕己

張鷟

桂林風土記

唐 莫休符撰

桂林

按地里志。桂州。禹貢荊州之域。春秋時越。七國時服於楚。秦始皇二十三年。發逋亡登。古者未有年號。至漢武帝方紀年名。

故云始皇二十三年。賈人掠取陸梁之地為桂林。吳時。文士薛宗言。昔帝舜南巡蒼梧。秦置桂林南海象郡。南越志。

漢武改為鬱林郡。以桂林為縣。吳書。孫皓鳳凰三年。分鬱林象郡為桂林。又按圖經云。吳甘露年號。分鬱

林象郡為桂林。今以魏書證之。甘露乃高貴卿公曹髦所記年號。非吳書也。古有名人張衡詩云。我所思

今在桂林。欲往從之。湘水深。是則桂林為郡久矣。漢祖命周電擊南越。南越王趙佗據險為城。電不能喻。

今靈川全義嶺有越城。漢紀有周電為泗水侯。是呂后時。非高祖也。地里誌云。周電未知其詳。按史記南越傳。高后

遣將軍陸路侯往擊之。

舜祠

舜祠在虞山之下。有澄潭。號皇潭。古老相承。言舜南巡。曾游此潭。今每遇歲旱。張旗震鼓。請雨多應。中有

大魚。遇洪水泛下。至府東門河際。有亭容巨舫。往往載起。然終不為人之害。舊傳舜葬蒼梧邱。在道州江

華縣九疑山也。

雙女冢

桂林風土記

桂林風土記

桂林風土記

二

在府城北十里。俗傳舜妃韓帝卒而葬于此。冢高十餘丈。周迴二里餘。

伏波廟

伏波廟在郭中之東北二里。是東漢伏波將軍馬援之祠也。

東觀

觀在府郭三里。隔長河。其東南皆崇山巨壑。綠竹青松。崆峒幽奇。登臨險隘。不可名狀。有石門。似公府之狀。而隘。梁燭行五十步。有洞穴。坦平如毯。場可容千百人。如此者八九所。約略相似。皆有清泉。淥水。乳液。葩。槩。怪石嵌空。龍盤虎踞。引燭綠沙。竟日而還。終莫能際。相傳云。昔有人好泉石。多束花果。裹糧深涉而行。還計其所行。已及東河之下。如聞棹機漣漣之聲在其上。又有山外高峰。舊有亭臺。近已摧壞。前政張侍郎名固。大中年重陽節。宴於此。從事盧順之。贈詩曰。渡江旌旆動魚龍。令節開筵上碧峰。翡翠巢低巖桂小。茱萸房溼露香濃。白雲郊外無塵事。黃菊筵中盡醉容。好是謝公高興處。夕陽歸騎出疏松。張侍郎和詩曰。亂山青翠郡城東。爽節憑高一望通。交友會時絲管合。羽觴飛處笑言同。金英耀彩晴雲外。玉樹凝霜暮雨中。高詠已勞潘岳思。醉歡慚道自車公。咸通年前。政張大夫重遊東觀。詩曰。巖岫碧游淺。鑿鑿躍若可攀。樓臺烟靄外。松竹翠微間。玉液寒深洞。秋光秀遠山。憑君指歸路。何處是人寰。

越亭

在府城北。與聖壽寺接連。有巖洞庭臺。高峰聳碧。山穴透出北面。因名北牖洞。遠眺長江。極目烟水。北人

至此多整鄉思。會昌初。前使元常侍名晦。搜達金貂。翔翔翰林。揚威臺省。性好巖沼。時恣盤游。建大八角亭。寫其真院。砌臺釣榭。石室蓮枕。流杯亭。花藥院。時爲絕景。于時潞寇初平。四郊無壘。公私宴聚。較勝爭先。美節良辰。尋芳選勝。管絃車馬。闢隘路隅。金貂從此府除。浙東。西題曰。紫泥遠自金鑾降。朱旆翻馳銳水頭。陶令風光偏畏夜。子牟衰髮暗驚秋。西鄰月色何時見。南國春光豈再游。莫遣監歌催客醉。不堪回首翠娥愁。副車路單。與金貂同年及第。和詩一首。謝安致理逾三載。黃新清聲徹九重。猶憶瓊瑤歸鳳闕。且將仁政到嵇峰。林間立馬羅千騎。池上開筵醉一鐘。共喜甘棠有新詠。獨慚霜鬢又攀龍。越亭初成。金貂有六十韻長詩曰。乏才叨八使。徇祿非三顧。北闕煩詔條。東鄰證迷悞。未聞述職效。已見脫煩趣。灑氣爽衣巾。嵐颺輕杖屨。其餘不省記。

巖光亭

在北羅門外。臺亭巖洞。亞於越亭。亦是元常侍新置。有石碁局。爛柯石嶂。金貂有五十韻詩云。石靜如開鏡。山高若聳蓮。筇竿抽玉管。花蔓綴金鉤。餘不省記。

裴家洲

在子城東南百餘步。長河中。先是裴家所居。因以名焉。洲每經大水。不曾淹沒。相承言其浮也。元和中。裴大夫名行立。四子。時之。時仁。時勣造亭宇。種植花木。迄今繁盛。東風融和。衆卉爭妍。有大儒柳宗元員外撰碑千餘言。猶在前。汴州楊尚書宴游。題詩云。桂林雲物畫漫漫。雨裏花開雨裏殘。惟有今朝好風景。櫻

桂林風土記

四

桃含笑柳眉攢。新政從事陸宏休詩云。新春紫綻紫家洲。信是南方最勝游。酒滿百分殊不怕。人添一歲更堪愁。鴛聲暗逐歌聲盡。花態還隨舞態羞。莫惜今朝同酌酒。任他龜鶴與蜉蝣。

滴山

在紫家洲西。一名沈水山。以其山在水中。遂名之。古老相傳。龍朔中。曾降天使投龍于此。今每歲旱。請雨潭中。多有應。前政元常侍。以其名與昭應驪山音同。故遂改爲儀山。近歲于此置溫靈廟。廟中時產青蛇。號爲龍駒。翠色。或綠人頭頂手中。終無患害。

堯山廟

在府之東北。隔大江。與舜祠相望。遂名堯山。山有廟絕靈。四時公私饗奠不絕。北接湖山。連亙千餘里。天將降雨。則雲霧四起。遂巡風雨互至。每歲農耕候雨。輒以堯山雲卜期。

東山亭

府之東門。有大亭枕江。與望月樓接。連近子城。建暨多年。不記歲月。

碧溥亭去思館是

亭館。大初中。前韋舍人璿所造。在子城東北隅十餘步。接近逍遙樓角。近大江。館宇宏麗。制作精緻。高下敞豁。冠諸亭院。去思館。舊名青桂館。前政吏部張侍郎駕除替。飾裝於此。遂改爲去思館。韋舍人年十九入闕。選進士。舉二十一進士狀頭。榜下除左拾遺。於時名重縉紳。指期直上。馬相爲長安令。二十八度候。

謁不蒙一見。後任廉察桂林。纔半歲。而馬相執大政。尋追懷舊事。非時除賓客分司。悵望。畱詩於碧潯亭。曰。半年領郡固無勞。一日爲心素所操。輪奐未成繡墨在。規模已壯閶闔高。理人雖切才長短。薄宦都緣命不遭。從此歸耕洛川上。大千江路任風濤。

拜表亭

北接碧潯。南連望月。東甫長河。西鄰雉堞。前政山北。虛尚書匡添建置。

夾城

從子城西北角二百步北上。抵伏波山。緣江南下。抵子城逍遙樓。周迴六七里。光啓年中。前政陳太保可瓊。繕造三分之二。是諸營展力。日役萬人。不時而就。增崇氣色。殿若長城。南北行旅。皆集于此。

獨秀峰

在郭中。居子城正北百餘步。高聳直上。周回一里餘。迺出郭中。下有巖洞。舊有宋朝名儒顏延之宅。讀書亭。後爲從事所居。往往見靈輅。居者少寧。前政張侍郎廢毀焉。

歐陽都護冢

府北郭松逕盡處。有國初安南都護名普讚冢。普讚靈川人。其宅今爲聖壽寺。有廟在寺之北下。歿後。殯于北郭。時有識地勢者。言葬所有天子氣。由是官掘斷。至夜。又有陰兵填平如舊。旣而再掘。復平不已。時有効役者。人偶宿其所。夜聞鬼兵相語曰。能以青布連土投江。則我等無能爲也。及明。主吏聞宿者言。

桂林風土記

六

遂用青布笠連土投河。竟免陰兵填築。今墳所掘處猶存。有石人石柱皆在。松楸百餘株。近爲樵者斫伐無餘。子孫自千數年湮沒無聞。或云。營家洲。因運此土流下成洲。有歐陽賡者詩絕句曰。舊業分明桂水頭。人間業盡水空流。春風日暮江頭立。不及漁翁有釣舟。

海陽山

在全義縣北。又漓湘二水源也。流至金義北三百步。分流北去。作爲湘南。下爲漓山。下有廟。前政陳太保奏錄。詔封廣潤侯。

會仙里

南去府五十里。舊有羣仙於此。輻輳羽駕。徧於碧空。竟日而去。里人聚觀壯聞。因名會仙里。

隱仙亭

本名盤龍岡。在府西郭三里。與延齡寺甫近。寶曆年。前使李給事名渤。開置亭臺。種植花木。有池沼巨巖。水深無際。有嘉蓮洞。白雀洞。石盆大亭。又巖雲亭在山頂。朝陽亭。夕陽亭。連理橋。乘燭巡游。時見龍跡。大如碗。水有靈魚。龍腹四足。人或誤擒。風雨立至。山河秀異。皆入畫圖。作屏障。爲信好之珍。有從事皇甫湜。吳武陵。撰碑碣二所。給事徵起山中。一表薦九賢。皆居顯貴。給事爲考功郎。宰相皆書下考。以天子巡游。蹂禾稼。無所獻替故也。除桂林。有歎鳥詩曰。三朝四黜倦遐征。往復皆愁萬里程。爾解分飛卻回去。我方從此向南行。又題隱山詩二首。常嘆源泉去不回。我今自去更難來。欲知一一畱心處。手植巖花次第開。

隨雲不厭蒼梧遠。似鴈逢春又北飛。惟有隱山溪上月。他時相望兩依依。

靈渠

全義縣灘湘二水分流處。相傳曰後漢伏波將軍馬援。開川濬濟。水急曲折四年。用過其節。節斗門以駐其勢。有伏波廟在縣側。又按後漢鄭宏。奏交趾七郡貢錢。從東泛海。多沒溺。請開桂嶺靈渠。後御史史祿重開闢。又按前漢武帝元鼎五年。命伏波將軍路博德。樓船將軍楊僕。戈船將軍嚴助。擊南越。呂嘉戈船出零陵。下漓水。此則前漢嶺首。已通舟楫明矣。焉得至後漢馬援鄭宏開靈渠。於理未盡。言馬鄭重修則可。云創闢。則於義有乖。休符殿。

甘巖

在府南八十里。大江傍其源。出臨川縣界。思磨山自水下湧出。巖方十餘丈。大如屋室。莫究其深淺。盛暑到彼。凜冽增寒。

張天師道陵宅

天師舊宅在賀州。道錄以爲元中大法師。令以宅爲廟。廟中有美異菓實。有人食之無患。唯不可採取。必致禍也。

牂牁水

在巖州州門。長河其源。從牂牁流下八十餘丈。本州圖經所載。

桂林風土記

桂林風土記

八

如錦潭

廣郡有如錦潭。水深無際。近歲有人伐潭邊巨木。樹倒入潭中。遂巡沈沒。莫知所在。潭中時聞音樂。如大府廣筵。移時而止。

仙人山

象州武仙縣。多有神仙聚集高山。羽駕時見。如建州武夷山。皆有仙人換骨留槩之跡。

遷賢坊府郭

遷賢坊。本名阜財。在市西門。因曹鄴中丞進士及第。前政令狐大夫。改爲遷賢坊。在府西門進賢坊長街。因趙觀文狀頭及第。前陳太保改坊名。

菩提寺道林和尚

往年中桂州人薛公元常供養一僧。法號道林。如是精心供養。十有餘年。忽一日其僧辭去。云貧道歸去。撓演多年。更有可酬。今只有舊轉經一函。且寄宅中。如至周歲不回。即可開轉讀。如此。經一歲開鎖。有金滿函。可數千兩。後賣一半。買地造菩提寺。并建道林真身供養。今儀像見存。薛今見有孫禹賓。在桂林効職。

開元寺震井

隋曰綠化寺。後因紗燈延火燒燬重建。元宗朝。改名開元寺。有前使褚公親筆寫金剛經碑。在舍利塔前。

西有觀音寺井。貞元中，有李氏因左遷，寓居僧院。屬暑月，以食餘熟羊脾懸井中，逡巡雷震暴作，羊肉置於隙地，而烟氣薰灼，犬不食，蟻不附。至今僧俗衆言井有龍至云。愚以理裁，有異於此。夫龍嗜血食肉，重平醴，人有享祭，必選良肉醇酒，潔饌珍羞，然後精禮。寧有一羊脾而迅雷震之者？蓋以伽藍井中，奉獻諸佛衆僧，而遽以肉味擅汚神祈之所，是以不容，乃致雷擊去，理必然矣。其井終亦塌壞，先令狐相從事當府，因撰震井記，然以羊微事，曾未移時，天鑑已知，則人之善惡或愈於此。又豈殲遺於陰報乎？昔董卓縱暴爲呂布殺而曝屍其亭，後有故吏收其灰，以小棺殮於郡城，又遭風雨漂流，失其所在。楊國忠以貴妃因椒房承寵，綰三十二使印綬，天寶十三載二月拜司空，册命之日，天雨土，霑朝服，未幾族滅於馬嵬。關西楊氏，遠四知，去三惑，歷千載而慶延子孫，則禍福無門，唯人所召矣。故孔明有言，勿以惡小而爲之，勿以善小而不爲，苟能佩服斯言，以神祇爲證，則終身不居有過之地。

延齡寺聖像

寺在府之西，郭郊三里，甫近隱山，舊號西慶林寺。武宗廢毀，宣宗再崇，峰巒牙張，雲木交映，爲一府勝游之所。寺有古像，徵於碑碣，蓋廬舍那佛之所報身也。此地元本荆榛，先無寺宇，因大水漂流巨材至，時有工人操斧斤斫伐，將欲下斫，忽見一梵僧立於木傍，有曰：「此木有靈，爾宜勿伐。」旣而罷去，又有洗蔬者於其上，則浮濯菹辛於其上，又沈雅契梵僧之言。由是咸知有靈，遂刻削爲僧佛。當則天后臨朝之日，夢金人長一丈六尺，乞袈裟及詔，大臣問其事，皆莫能解。旋奏陛下旣有此夢，乞依夢中造袈裟，懸於國門，以